

Leo Tuor a chatscha dal capricorn

■ (anr/fa) Il segund cudesch che la Chasa Editura Rumantscha ha edì è l'essai «Catscha sil capricorn da Cavrein» da Leo Tuor. Sonda han ils preschents pudì festagiar la vernissascha da quest'ovra. *Esther Krättli* ha preschentà sonda a chaschun da la vernissascha da la nova publicaziun «Catscha sil capricorn da Cavrein» l'autur: *Leo Tuor* è naschì 1959 a Rabiun ed ha studegià a Friburg filosofia e scolast secundar. El ha pu-

blitgà la trilogia Giacumbert Nau (1988), Onna Maria Tumera (2002) e Settembrini (2006). «Il protagonist da la pli nova ovra da Leo Tuor, il raquintader, è in chatschader che ha il dretg da schluppettar in capricorn», ha ditg *Esther Krättli*, «en sia bulscha nun ha il chatschader dentant mo mangiativas e muniziun, ma bain era cudeschs filosofics.» Leo Tuor ha dà cun sia prelecziun in insai da sia ovra. El descriva il chatschader co ch'el sa met-

ta sin via per vegnir a tir dal capricorn. Tranteren fa'l adina puspè reflexiuns filosoficas. «En mintga val selvadia entaupan ins persunas che vivan qua ed èn enragischadas en quellas vals», ha ditg *Leo Tuor* ed ha agiunt ch'el haja empruvà da descriver questa glied: «La litteratura viva da figuras per part perpetnas.» Il cudesch cuntogna in pled accumpagnant da *Göri Klainguti* ed illustraziuns da *Bryan C. Thurston*.